



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

IV. An & quo ordine temporis, siue dierum mundus corporeus sit à Deo productus: & quandonam cœperit tempus ac mundus.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

D V B I V M IV.

An & quo ordine, siue successione temporis, ac dierum, mundus corporeus à Deo sit productus: & quandonam cœperit tempus & mundus.

S. Thomas 1. p. q. 66. a. 4. & q. 74. 2a. 3.

1 **Q**uestio est, an mundus corporeus, & totum opus hexameron, cuius productio Genet. 1. narratur, fuerit simul, & in eodem instanti, an vero successivè per plures dies ordine sibi succedentes productum. Et quamvis Sanctus Thomas primum q. 74. art. 2. post opus sex dierum signallat explicatum, eam questionem pertractet, quia tamen ad rationem genericam eius operis cognoscendam pertinet, merito ac necessario prius explicanda est, ut bene etiam notauit Gregorius de Valentia disput. 5. quest. 2. punct. 2.

2 Sunt autem hac dere, vt notauit ibidem S. Thomas, duæ SS. Patrum & Doctorum sententiae. Prima docet, simul ac eodem momento facta fuisse omnia, quæ perfex dies producta fuisse narrat Moyses. Huius sententia præcipuus author est Augustinus 1. super Genet. adlit. c. 15. & lib. 4. c. 34. & lib. 5. cap. 4. & 5. & l. 11. de ciuit. c. 9. & alibi a se. Idem docent Philo lib. de allegor. leg. Mos. Procopius in c. 1. Genet. & Caietanus ibidem, & Canus apud Molinā hic disp. 1. & fauet Origenes lib. 4. peri archon. c. 2.

3 Sed qui tamen variè senarium illum dierum numerum interpretatur. Augustinus n. diem eo loco vult significare cognitionem Angelicā, prout ad vnumquodq; opus aliquid diei a signatum terminatur; quia nihil Deus produxit in rerum natura, quod non impresserit menti Angelicæ; ac proinde sex dies nihil vult aliud esse, quam cognitionem Angelicā ordine quodam, non temporis, aut durationis, sed rationis, fundato in ipso naturali rerum ordine, ad sex illa diversa rerum genera, & opera terminatam. Mane autem cuiusq; diei vult esse cognitionem rerū in Verbo; aut certè cognitionem rerum in suo genere, relatā ad laudem creatoris, vesperā autem, cognitionē earundem rerum in proprio genere absolutē.

4 Philo senario illo dierum numero solum vult significatam conditaram rerum perfectionē, que senario numero denotari solet. Procopius ait, idem per sex dierum internulla fuisse ad umbratrum opus creationis, vt facilis à rudi populo intelligeretur. Caietan⁹ & Canus dicūt, id fecisse Moysē, vt cā re ostenderet naturalem ordinem, & consequentiā productarum rerum talem esse, vt si successiū producendē essent, non possent comodiūs, quam tali ordine produci. Addit tamen Augustinus l. 6. super Gen. ad lit. c. 5. & 6. non omnia, quæ à Moysi narrantur, simul fuisse producta in seipsis, sed quædam tantum quasi potentialiter in suis seminib⁹, nimirumilla, quæ tertio, quinto, & sexto die facta narrantur.

5 Secunda & communis Patrum sententia, vt videbimus, docet, opera illa sex dierum, quæ à Moysi narrantur, planè successiū, proprijs ac diuersis sex

diebus sibi succedentibus, vt litera ipsa sonat à Deo fuisse perfecta. Atque has duas opiniones referens S. Thomas cit. q. 74. a. 2. ait, illas quidem, si referantur ad expositionem litera Genetis, magnam diversitatem habere: si vero referantur ad rem significatam, seu ipsum modum productionis rerum, non multum differre.

Quia quamvis S. Augustinus doceat, omnia opera sex dierum facta esse simul, ea tamen non ita explicat, sicut alii Patres. Nam primo Augustinus per terram & aquam prius creatas intelligit materiam totaliter informem; perfectionem autem firmamenti, & congregatiōnem aquarum, & appositionem aride, intelligit impressionem formarum in materiam corporalem. Alij vero Sancti per terram & aquam prius creatas, intelligent ipsa elementa mundi, sub propriis formis exsistēta, Ita S. Thomas cit. a. 2. Conueniat ergo utrique in hoc, quod cælum & terra, omniaque elementa simile eodemq; die fuerint creata. Neque enim Augustinus materiam informem putauit duratione antecellasse reliquum corpus, sed solum naturā, vt recte notauit Molina disp. 1. de oper. sex dierum, & ipsemet Sanctus Thomas q. 66. a. 4. & q. 69. art. 1.

Deinde, cū inter opera sex dierū referuntur plantæ & animalia tertio, quinto, & sexto die producta, Augustinus non intelligit, ea producta fuisse in se, sed solum in suis principijs & elementis ut dictum; actū vero ac formaliter in seipsis fatetur postea primum fuisse producta. Quod sit, vi in eo utriq; conueniant, mundum totum substantialiter, & quoad suas partes essentiales, hoc est, elementa, fuisse simul à Deo producta; vt cunque interim in numero dierum, & proprio vincuique diei opere assignando, inter se dissentiant, vt dictum.

Ex quo concludit S. Thomas ibidem, in hoc quod Augustinus ponit opera sex dierum similes facta, sequi eundem (reip̄) modum productionis rerum. Nam secundum utrosque in prima rerum productione, (primo die facta) materia erat sub formis substantialibus elementorum; & secundum utrosque in prima rerum institutione, non fuerunt animalia & plantæ in actu.

Sed remanet, inquit S. Thomas, differentia quantum ad quatuor. Quia secundum alios sanctos, post productionem creaturæ, fuit aliquod tempus, in quo non erat lux. Item in quo non erat firmamentum formarum. Item in quo non erat terra discorsa aqua. Et in quo non erant formata cali luminaria; quod est quartum: que non oportet ponere secundum expositionem Augustini. Ita S. Thomas: qui denique de utrāque sententiā iudicium ferens, neutri censet praividicandum, sed utriusqueratio nibus respondendum, vt mox ibidem facit.

Averō salutē utriusq; tanti Doctoris autoritate, planè dicēdū existimō, opera illa sex dierum, qualiacunq; demum illa sint, non simul ac eodem instanti temporis, sed successiū, sex dierum succedentium spatio fuisse à Deo producta. Hac est communis sententia SS. Patrum, vii fatetur S. Thomas loc. cit. quam speciatim tradunt Basilus, Ambrosius, Chrysostomus, Strabus, Beda & alij in c. 1. Genet. item Gregorius Nazianzenus oratione 43. in Theol. Hieronymus in questionibus hebraicis super Gen. Gregorius lib. 3. 2. Moral. c. 10. Rupertus Tuitiensis l. 1. de operibus Trinit. c. 37. Eadem quoq; est communis ac receptissima sententia Scholasticorum cum Magistro in 2. dist. 12. & 15. vbi affirmat, hanc sententiam

tentiam magis approbari ab Ecclesia Catholica. Eandem è recentioribus Theologis fortiter propugnat Molina 1. part. tract. de opere sex dierum, disp. 1. Gregorius de Valentia cit. disp. 5. q. 2. punc. 2. Peterius tomo 1. in Genes. lib. 1. disput. penult.

Probatur primò ex aperto contextu Genes. c. 1. vbi aperte ac disertè, verbisque repetitis, singuli dies ordine recensentur, primus, secundus, tertius, usque ad sextum; & singulis proprium ac peculiare opus à Deo productum tribuitur: adeò vt nec posset quidem clarius id ipsum doceri. Cum verò iuxta ipsius Augustini regulam lib. 8. de Genet. ad h. scriptura propriè intelligenda sit, quando sine absurdo potest, (vt sicut in proposito optimè posse, docebit tota disputatio sequens,) ita hoc in primis necessarium est, in historiā narratione; & ea quidem maximè, qua pro simplici rudique populo conscripta est; vt est historia Genes. à Moysi pro populo Israëlitico in primis conscripta: cui quid attinebat metaphora adeò remota, obscura, & longè petita, & vix summis ingenijs intelligibili, ipsius tam varia Angelicæ cognitionis (cum præstitione de Angelis eorumque productione nihil vispiciat à Moysi aperte commemoratum adhuc esset) rem alioquin in se planam, velut Cymmerijs tenebris intuolutam proponere?

Secundo pugnat opposita sententia cum nonnullis, quæ particulatum in ea narratione à Moysi referuntur: Ut v. 2. quod tenebra essent superfaciem abyssi: vbi aperte docetur, ante creationem lucis, aliquanto tempore præcessisse tenebras; vt magis patet quæstion. seq. quod tamen iuxta Augustini sententiam, dicē non potest, vt si atetur Sanctus Thomas, & magis patet quæst. seq. Item quod verū non dicitur. Congregentur aquæ in locum unum, & apparet arida; vbi rursus aperte significatur, terram anteā fuisse aquis cooptatam. Omitto quod versu secundo dicitur, terram fuisse inanem & vacuam; vt proinde plantæ, arbores, & animalia non potuerint vñā cum terra esse producta: nam vñā anteā notauiimus, ipse Augustinus fatetur, hæc in se non fuisse simul cum terra producta: ersi hoc faciat contra alios, pro opposita sententia relatos, qui in hac parte Augustino non contentiunt.

Tertiò pugnat ea sententia cum alijs Scripturæ testimonij, quibus de sex diebus creationis ac sabbato fitmentio. Vt Genes. 2. versu 2. Complevitque Deus die septimo opus suum, quod fecerat, & requieuit die septimo ab uniuerso opere, quod pstraratur. Et benedixit die septimo, & sanctificauit illum, quia in ipso cessaverat ab omni opere suo. Item Exodi vigesimo versu octavo. Memento ut diem sabbati sanctifices, sex diebus operaberis, & facies omnia opera tua. Septimo autem die sabbatum Domini tui es: non facies omne opus in eo, &c. Sex enim diebus fecit Deus cælum & terram, & mare, & omnia quæ in eis sunt, & requieuit in die septimo. Idcirco benedixit Dominus diei sabbathi, & sanctificauit eum. Et Exodi 31. v. 16. Custodian filii Israhel sabbatum, &c. sex enim diebus fecit Dominus cælum & terram, & in septimo ab opere cessauit. Ex quibus verbis triplex argumentum sumitur ad propositum. 1. Quia dies septimus sabbati, plane significat aliquam durationem à reliquis diebus, seu duratione reliquo-rum dierum, quomodounque explicitur, distin-ctam; non enim fieri potuit, vt Deus in eodem mo-

mento crearet mundum, & ab hac creatione quieteret: Ergo & dies sex illi inter se duratione distin-guuntur. 2. Quia dies sabbati, tanquam dies quietis, non rectè opponitur sex alijs diebus, si Deus in ijs nihil distincti operis fecit; neque ratio erat, cur idèo dies septimus festivus indiceretur, si sex veri dies operum non antecesserunt. 3. Imò non potuit septimus dies esse sabbati & quietis; sed potius ipse primus dies creationis nempe dominicus, era sabbati nomine appellandus; cum ex opposita sententiâ, mox eo ipso die, post instans creationis quieterit; aut si in ultimo instanti eius diei ponatur facta creatio, sabbatum incidet in ipsum diem lunæ.

Quartò aduersatur ea sententia optimis congruentijs; quæ pro successu eorum productione adferri possunt; Namirum 1. vt hæc ratione Deus ipse suo quodammodo exemplo initium faceret uniuersi temporis futuri in septem dies, repetitè identem numeratione, dispartiendi, (vti ab omnibus gentibus receptum) & unoquoque die certum creationis beneficium (vti facit Ecclesia) præter sabbatum seu quietis memoria, grato animo recordandi. 2. Vt elementa statim naturis suis maximè conuenientem prids obtinerent, quam sequentibus diebus in gratiam hominis, diuinâ voluntate materiam varijs mixtis producendis subministrando, ab eo desicerent; sive adeò homo creationis & dispositionis diuinæ beneficium erga se magis agnoscet. 3. Vt prima producio magni mundi aptius exemplar esset & prototypum microcosmi, seu parvū mundi, nimirum hominis; qui cum breui quidem tempore (velut vñico die) quoad substantiam in utero generetur, tamen vt perficiatur, multò longiori tempore, & quasi quinque dierum spatio opus habet. 4. Vt quisnā esset inter res ipsas naturæ ordo, facilis patesceret. 5. Vt sola voluntate, nō aliqua Deū necessitate, mundū creasse, clarius innotesceret.

Postremò longè conuenientius fuit, primo die totum mundum quoad substantiam simul producere; & deinde addito vario ornatu ac perfectione accidentalis, quasi perficere & elaborare; item pro vñi hominis, domum primū atque habitacionis locum producere; deinde eam supellestile ac necessario quasi comiteatu instruere, & denique domus eiusdem incolam, nimirum hominem in eam introducere; quod in opere Creationis iuxta legitimam sex dierum distributionem fecit Deus; quam aut primò materiam tantum informem producere; cum Dei opera in unoquoque genere perfecta sint; nec vñlo modo rerum naturis sit conforme, materiam omni forma priuatam esse; aut simul omnia ac sine ordine, incolam cum domo, & vt ita loquar, auem cū nido & iumentū cū stabulo, producere.

Omitto alia particula, quæ in Augustini sententiâ, aut inter se non bene cohærent, aut difficulter explicari possunt, vt videre est apud citatos, præcipue Molinam, qui sigillatum diuersos explicandi modos authorum opposita sententiæ refellit. Sit ergo hoc ratum ac firmum, quod etiam nobis deinceps, in multis difficultatibus, quasi fundamenti loco deseruimus, opus creationis plane sex dierū naturalium spatio, qui ex mane & vespere, hoc est, diurni & nocturni temporis horis viginti quatuor constituantur, vt dicemus, à Deo fuisse perfectum.

Neque

1619

Neque difficile est oppositæ sententiae fundamentis satisfacere. Obijcunt primò quædam loca Scripturæ, que simul omnia fuisse producta indicant. Ut illud Eccles. 18. *Qui viuit in æternum, creauit omnia simul.* Et Genef. 2. *Ipsæ sunt generationes cœli & terræ, quando creata sunt, in die, quo fecit Deus cœlum & terram, & omne virgultum agri.* Et Iob. 40. *Eccæ Behemoth (hoc est, diabolus) quem feci secum; adeoque simul cum homine.*

Ad 1. omisso illâ explicatione, quod vocula *simul* idem sit quod *pariter*; Respondeo sensum esse, aut quod eodem tempore sex dierum Deus fecerit omnia, aut etiam quod ea, quæ inter opera sex dierum, fuerunt propriè creata, Deus simul ac eodem etiam momento creauerit omnia: aut denique quod omnia creauerit simul, quoad sua principia & elementa; quæ omnia simul facta esse patet quæst. sequenti. Quo ferè sensu etiam eum locum explicat Sanctus Thomas q. 74. art. 2. ad 2. post S. Gregorium lib. 32. Moral. cap. 10.

Ad secundum respondeo, sâpe Scripturam alias diem pro tempore indefinite sumere; at verò nunquam dies sex in aliquâ narratione distincte recensere, & singulis proprium opus assignare, eo nomine unum diem, aut instans intelligendo. Dici etiam potest, per diem designari diem septimum, & illud, *quo fecit*, perinde esse, ac si dictum fuisset, quo fecerat, seu creauerat, hoc est creationem absoluere, & eo sensu, quo initio capit is ibidem dictum fuerat, *Complevitque Deus die septimo opus suum quod fecerat.*

Ad tertium locum respondeo, *Behemoth cum homine factum dici*, non quia eodem momento, sed sub idem tempus productionis mundi factus est.

Secundò obijcitur decretum Concilij Lateranensis sub Innocentio III. & habetur cap. *Firmiter*, vbi definitur, *Deum ab initio temporis simul utramque de nihilo condidisse creaturam, spiritualem & corporalem.*

Respondeo, sermonem esse de mundo corporeo, quoad substantiam, eumque simul fuisse productum cum Angelis, nos ipsi docuimus suprà disputatione 5. dub. 1. Gregorius de Valentia hic loc. cit. cum S. Thoma, quem citat. opusc. 23. putat voculum *simul* significare idem quod *pariter*, siue ex æquo, de quo vide locum citatum.

Tertiò obijcuntur quedam, quæ ex nostrâ sententia videntur sequi absurdâ, vt quod lux sine sole, cœlum, sine firmamento, & stellis fuisse productum, &c. Sed hæc & similia, si bene intelligantur, absurdâ non esse, quæstionibus sequentibus declarabitur.

Postremò obijci potest, hac ratione consequens esse, tempus statim incepisse cum mundo condito; seu cum cœlo & terrâ in principio creatis; quia dies naturalis sine tempore esse non potest: consequens autem est falsum; quia tempus non coepit ante motum firmamenti ac siderum; aut certè non ante lucem conditam; cum tamen firmamentum primum secundo die, sidera primū quartu die, lux verò primo quidc die, sed non nisi post tenebras fuerit creata.

Respondeo, fatendum omnino esse, cœlum & terram, adeoque mundum, in principio temporis fuisse creatum; adeoque tempus simul (extrinsecè) coepisse eum ipso mundo corporeo. Ita enim desi-

nitur cit. cap. *Firmiter de summâ Trinit. & fid. Cathol.* Isque inter alios maximè proprius ac literalis est sensus illorum verborum, Genef. 1. v. 1. In principio creauit Deus cœlum & terram, vt docet S. Thomas q. 46. art. 3. & plerique Patres, vt Basilius homil. 1. Hexaem. Ambrosius lib. 1. Hexaem. cap. 6. Augustinus lib. 12. Confess. cap. 20. & 28. & lib. 1. de Genef. imperfecto cap. 3. & alij. Idem docet Sanctus Thomas cit. q. 66. a. 4. vbi etiam ex communi Doctorum quatuor coœura recenset, nimurum Angelicam naturam, cœlum Empyreum, materiam corporalem informem, & tempus; et si quidem hoc ipsum dictum ibidem non vñquequa; approbet.

Sed quenam ratio fuerit illius temporis, dubitatur, vt videre est apud S. Thomam quæst. 66. art. 4. ad 3. Quidam enim tempus illud cœlum putant fuisse Angelicum, in successione videlicet plurium cogitationum seu actionum Angelicarum positum; à quâ sententia non multum abhorret S. Thomas cit. q. 66. a. 4. ad 3. Alij in altero extremo, existimant, ab initio quoque statim suiss tempus consequens motum primi mobilis & firmamenti; quod docet Gregorius de Valentia hic disputatione quæst. 2. punct. 1.

Sed suppositis ijs, quæ dicuntur quæst. seq. Respondendum est, cum initio mundi simul incepisse tempus, non solum Angelicum, sed etiam rerum corporearum, verum cum distinctione. Dupliciter enim loqui possumus de tempore rerum corporearum; primum vt est realis & intrinseca duratio eundem rerum, praesertim corruptibilium, ipsiusque motus successivi, qui in rebus corporeis cernitur. Et hac ratione simul cum ipso mundo corporeo, atque elementis mundi in principio creatis, incepit tempus; statim enim ac terra, ceteraque elementa fuerunt creata, coepit actio, ac mutua alteratio eundem, secundum frigus, calorem, seccitatem, humiditatem, vt nihil dicam de motu locali eundem secundum partes; nihil de ipsa eundem substantia, cuius tamen intrinsecam durationem probabilior philosophia aliam esse non putat, quam tempus.

Secundò loqui possumus de tempore, vt sit mensura extrinseca motus naturalis cuiuscunq; ad quod requiritur, vt sit duratio motus maximè regularis, & vniuersalis, ac notissimi; nempe ipsius primi mobilis, aut certè alterius corporis caelitis, quod eundem motum exprimat, vel imitetur. Et hac ratione fatendum est; in principio creationis mundi, tempus eiusmodi reale ac positivum nondum coepisse; sed postea primam creatâ luce, post duodecim horas tenebrarum exactas, vt dicemus. Quanquam cum contrariorū sit eadem ratio, tempusque adeò non tantum sit mensura motus, sed etiam oppositæ quietis; ipsa etiam quies corporis caelitis, quatenus est priuatio tanti vel tantum motus, qui tunc ad similitudinem primi mobilis peragi potuisse, perinde secundum rationem nostram tempore mensurari potest, ac si verè motus ille extisset, vt quæst. sequenti dubio primo dicetur. Atque hoc principium temporis ad initium mundi corpori sufficit.

Quari hic solet, quo die, quoque anni tempore, mundus fuerit conditus. Respondeo, de die nul-

lam

lam esse posse contouersiam. Constat enim primum diem creationis (quo nimurum cælum & terra, adeoque ut dicitur quæst. seq. tota mundi substantia fuit creata) fuisse dominicum; cum dies ab eo septimus fuerit dies sabbati, ut patet ex Genes. 2. v. 2. Idque profitetur Ecclesia in illo Hymano; primi dierum omnium, quo mundus ex statu conditus.

Sed quoniam anni tempore seu mense mundus fuerit conditus, non omnino certum est. Gerardus Mercator in sua Chronolog. putat, mundum fuisse conditum in æstate, mense Iunio. Sed est noua & improbabilis sententia; nullo que fundamento solidi nititur. Nimurum quia Genes. 8. legitur, mense undecimo columbam fuisse reuersam ad arcum; cura ramo oliuæ virarentibus folijs: quasi tunc primum germinauerit oliuæ arbor; quod iuxta Plinius libro 16. c. 15 fieri solet mense Maio. Sed nec probatur, mensem illum dictum fuisse undecimum, potius à creatione mundi, quam ab initio diluvij: catab. Anno sexentesimo ætatis Noe; nec virarentia folia oliuæ soli Maio, sed toti anni temporis conuenient.

Secundò igitur Abulensis & Lyratus in cap. I. Genes. putant, mundum conditum initio autumni, adeoque mense Septembri. Sed nituntur itidem incertis conjecturis, & consequentijs. Ut, quia ante legem pef Moyen promulgatam, Hebrei numerarunt initium Anni à Septembri, iuxta Hieronymum in cap. I. Ezech. quod tamen ob aliam causam facile fieri potuit, ut mox dicetur. Item, quod Exod. 23. eiusdem mensis tempus vocatur *Exitus Anni*, quod tamen potius ob fructus eo tem-

pore perfectè collectos & reconditos, dictum erat, ut colligitur ex eodem loco, & Exodi 34. Denique quod tunc fructus arborum fuerint maturi, Genes. 1. & 3. cum tamen in omni sententia, hac in re peculiare quid divinæ virtutē interuenierit; eo quod nunquam naturaliter omnes plantæ & arbores, in eodem terræ climate, simul fructus ferre soleant; quod tamen tunc accidisse ex Genes. 1. versu 11. & capite 2. versu 9. colligitur.

Terterius igitur, & ceteris anterētida est communis sententia Patrum, mundum fuisse productum in vere (iuxta Clima terræ Palestinae) circa æquinoctium vernum, & secundum hodiernam computationem, mense Martio, ut pluribus Perierius Genes. 1. versu 11. & Valentia quæstione 3. punct. 3. Molina disp. 14. Tum quia tunc etiam terra naturaliter germinare solet... Tum quia vix naturalius principium anni constitui potest, quam æquinoctium vernum, saltem in nostro hemisphærio, ob eandem causam. Tum quia eo tempore etiam alia præcipua Dei opera sunt peracta, ut liberatio populi ex Ægypto, Incarnatio, Mors & Resurrecō Chriſti, &c. Denique valde verisimile est, SS. Patres id per traditionem acceperisse; quod ita speciatim tradunt Athanasius q. 17. ad Antioch. Gregorius Nazianzenus orat. de noua dom. Cyrillus Hierosolymitanus catech. 114. Theodoreus quæst. 72. in Exod. Ambrosius lib. I. Hexaem. capite 4. Leo serm. 9. de pass. Dom. Isidorus libro 5. Etymol. capite 8. Beda libro de rat. temp. capite 40. & confitit Virgilius libro 2. Georg. post. med.

Q V A E S T I O II.

De opere primæ diei, nimurum cælo, terra, luce.

S. Thomas I. p. q. 66. & 67.

Bsoluetur hec quæstio sex dubitationibus. I. An cælum & terra primo die; an potius ante primum diem sint creata. II. Quid cælum & terra nomine significetur; an non solum cælum Empyreum; sed etiam omne corpus celeste, omniaque elementa; adeoque totus mundus corporeus quoad essentiam. III. Qualis lux; & quo spatio primi diei sit produta; an post tenebras; & quis finis & usus eius lucis. IV. Ex qua materia cælum constet. V. An cælum sit animatum. VI. An sit natura sua corpus generabile & corruptibile.

D V B I V M I.

An cælum & terra primo die; an potius ante primum diem sint creata.

S. Thom. I. p. q. 66. 22. 4.

I. **E**narrationem Creationis Mundi Moyses Genesis primo, versu primo, his verbis orditum. In principio creauit Deus cælum & terram. Vbi volucram, In principio, interalia significata, propriè significare, in principio temporis, quæstione præcedenti dubio quarto, dictum est. Creationem autem propriè accipi, diximus ibidem dubio primo,

Cæli verò nomen eti latè quandoque omne corpus sublimè diaphanum, terræ & aquæ superius significet; ipsumque adeò etiam aërem comprehendat, iuxta Scripturam, quæ & cataractas cæli, Genes. capite 7. versu undecimo, & sepe alias volucres, seu volatilia cæli nominat, Genes. I. versu 30. Genes. 9. versu secundo, Psalmo 8. versu 9. Ieremie 7. versu 33.

Matth.